

UGOVOR O ROBNOM KREDITU

Broj ugovora: 225

Zaključen dana 03. 09. 2024. god u Sarajevu između ugovornih strana:

"DIGITALIS" d.o.o., ul Mehmeda Spahe 2a/30, Novi Travnik, ID 4236174980002, kojeg zastupa direktor Denis Halilović kao prodavca (u daljem tekstu Prodavac), s jedne strane, i

Udruženje Sindikat Policije Kantona Sarajevo, sa sjedištem na adresi La Benevolencija broj 16 u Sarajevu, ID br. 4200318910000, koga zastupa Saim Smajlović, predsjednik Upravnog odbora Sindikata policije Kantona Sarajevo, (u daljem tekstu korisnik usluga), s druge strane.

I PREDMET UGOVORA

Član 1.

Predmet ovog ugovora je suradnja između Digitalis d.o.o. i „Sindikata policije Kantona Sarajevo“, a u svrhu prodaje robe na rate iz maloprodajnog asortimana (dstore - centar tehnike) firme "Digitalis" d.o.o. članovima „Sindikata policije Kantona Sarajevo“.

Prodavac odobrava robni kredit, prema istaknutim maloprodajnim cijenama u trenutku kupovine, članovima „Sindikata policije Kantona Sarajevo“ po dolje navedenoj proceduri, a računovodstvo preuzima obavezu mjesečnog plaćanja rata kredita po rješenju o administrativnoj zabrani koju izdaje Prodavac a odobrava Poslodavac svojim potpisom.

II VRIJEDNOST I REALIZACIJA ROBNOG KREDITA

Član 2.

Realizacija kredita se može izvršiti na dva načina i to: redovno i akcijski.

REDOVNO: u rasponu od najmanje dvije (2) rate a najviše šest (6) rata a zavisno od želje kupca,

AKCIJSKI: u rasponu od najmanje dvije (2) rate a najviše dvanaest (12) rata.

Redovna realizacija odnosi se na cjelokupan asortiman.

Akcijska realizacija odnosi se na izdvojene i označene artikle, mjesečne akcije i sl.

Minimalna rata je 50,00 KM.

III DUŽNOSTI UGOVORNIH STRANA

Član 3.

Prodavac izdaje rješenje za administrativnu zabranu u ukupnom iznosu u korist Digitalis d.o.o. u kojem je naveden ukupni iznos obustave/kredita te rok otplate i visina mjesečne rate/obustave.

Poslodavac/računovodstvo je dužan da tri primjerka rješenja o administrativnoj zabrani ovjeri i potpiše od strane ovlaštene osobe svim svojim uposlenicima, članovima sindikata, za koje izdaju potvrdu o statusu uposlenika ili zadnju platnu listu koju je obavezno priložiti prilikom realizacije robnog kredita.

Poslodavac je dužan postupati po rješenju o administrativnoj zabrani te istu uvrstiti u obračun plaća za tekući mjesec. Ukoliko je obračun za tekući mjesec prošao, poslodavac je dužan sve preostale administrativne zabrane uvrstiti u obračun narednog mjeseca. Ukoliko na naplatu dopijeva više rješenja o administrativnoj zabrani, poslodavac je dužan uplatiti ukupan iznos te dostaviti spisak radnika na koje se odnosi uplata sa svim dodatnim podacima kao što su broj rješenja o administrativnoj zabrani i iznos rate.

Prodavac se obavezuje da će u skladu sa svim odredbama ovog ugovora najkasnije 7 dana od primitka sva tri primjerka ovjerena i potpisana rješenja o administrativnoj zabrani izdati robu i fiskalni račun kao i dva primjerka rješenja o administrativnoj zabrani sa popunjenom izjavom kojom kupac/uposleni potvrđuje da je uzeo robu te da je saglasan da se na njegov teret a na ime odobrene kupovine na rate, stavi administrativna zabrana u korist Digitalis d.o.o. u ukupnom iznosu računa, te sa navedenim brojem rata i iznosom jedne rate. Rate će se uplaćivati u jednakim iznosima.

IV OSTALE ODREDBE UGOVORA

Član 4.

Kupac je obavezan da popunjeno rješenje o administrativnoj zabrani dostavi u službu za obračun plata - računovodstvo.

Kupac se obavezuje da će vraćanje kredita vršiti preko svog računovodstva, pa zato dozvoljava administrativnu zabranu na svoju platu, sve do konačne otplate kredita.

Ukoliko Poslodavac ne bude u mogućnosti, iz bilo kojih razloga, da vrši isplatu kredita u roku u ime kupca, kupac je obavezan da to učini sam prema dospjelim rokovima otplate rate.

Na administrativnoj zabrani po kojoj Poslodavac postupa, uposlenik, korisnik robnog kredita, izjavljuje da je saglasan da se u slučaju prekida radnog odnosa sa Poslodavcem, cjelokupan iznos neizmirenih obaveza obustavlja od njegove posljednje plaće koja se isplaćuje.

Rate će se uplaćivati na tekući račun: Intesa Sanpaolo Banka – 1542-6020-0513-9172, u opis uplate upisati ime i prezime radnika za koga se vrši uplata te broj administrativne zabrane ukoliko se radi o jednoj administrativnoj zabrani. Ukoliko se vrši zbirna uplata tada upisati samo „Robni kredit - uplata prema spisku“.

Član 5.

U slučaju spora po ovom Ugovoru, ugovorne strane su saglasne da se isti rješava pred nadležnim sudom u Sarajevu.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Ovaj ugovor stupa na snagu od dana potpisivanja obje ugovorne strane i važi dok jedna od ugovornih strana pismeno ne zatraži raskid ugovora, a ne prije nego što izmiri sve svoje obaveze.

PRODAVAC

Direktor, Denis Halilović
„DIGITALIS“ d.o.o. Novi Travnik





Broj: 225/24

KORISNIK USLUGA

Za Sindikat policije Kantona Sarajevo
predsjednik Upravnog odbora
Saim Smajlović



Broj: SPKS-218/24